

REDI GUT

Helpim long taim nogut kamap
long Wara Burnett Catchment



Taitwara	1
Buspaia	3
Guria	7
Hatpela san	8
Ol imejensi kontek	9
Strepela wei bilong ranawe	10
Go raun	12
Toksave long ol tok lukaut	14
Imejensi kit	16
Ranawe plen bilong yu	18

Taitwara



Yumi no inap save, wanem taim strongpela stom, taitwara na saiklon bai kamap, tasol, taim nogut bai kamap.

Ol strongpela stom na saiklon i ken kamapim ol bikpela ren ais, strongpela win, laitnin, na strongpela ren, em ol i save bagarapim ol samting na emi i ken kilim ol man i dai.

Sampela stom i ken kamapim bikpela tait long Solwara. Sapos ol i givim tok lukaut long bikpela tait long Solwara na yu stap long nambis o klostu long en, yu mas ranawe longwe long nambis na stap klostu long bus pastaim.



Taitwara i ken kamap long ol riva na ol liklik wara long Burnett Catchment taim bikpela ren i pundaun. Taitwara i save ron spit na strong. Olsem na, sapos ol man o kar i go insait long dispela kain wara, wantu tasol, em bai karim ol i go pinis. Taim planti bikpela ren i pundaun insait long sotpela hap taim, taitwara i save i go antap na i go daun kwiktaim o i ken i stap inap wanpela wik o moa sapos bikpela ren i pundaun long planti hap.

Bigpela Toksave bilong stap seif, na em i impoten :

- tingim gut long wanem hap yu stap long en na harim gut long ol toksave
- Stap longwe long ol riva, liklik wara na ol drein
- Go long ples antap tru sapos wara em ron hariap tru
- bihainim olgeta trefik sain na ol sain bilong pasim olgeta rot
- no ken traim na go insait long taitwara wantaim kar, motabaik, baisikol, o wokabout i go insait long en– sapos taitwara i stap, maski long swim o putim het i go long taim wara tait



Buspaia



Buspaia i save kamap long Queensland long Julai i go Februeri.

Yu ken sekim paia denja reiting long qld.gov.au/fdr.

Bai yu lukim ol kain sain olsem taim yu draiv i kam long hap bilong mipela. Sampela Tokasave long Tok Inglis:

FIRE DANGER RATING



Kisim save na lukluk long wanem ol samting i wok long kamap. Yu mas redi long mekim eksen sapos yu mas mekim. Ol dispela sain bai toksave long ol samting yu mas mekim sapos buspaia em i stap:



CATASTROPHIC

Lusim ol hap we buspaia i laik kamap

- Dispela kondisen i makim olsem buspaia bai kam klostu nau.
- Sapos paia i kisim hap bilong yu, yu bai lusim laip.
- Dispela kondisen i makim olsem paia bai kukim ol haus. Ating yu tu i no inap ranawe na i no gat wanpela man i ken helpim yu.



EXTREME

Mekim eksen nau

- Paia bai i go bikpela kwiktaim na em bai bagarapim ol samting na laip tu.
- Sapos paia i kirap, mekim eksen wantu tasol.
- I go long hap i seif moa bipo tru long paia i kam kamap long hap bilong yu.



HIGH I stap redi long mekim ol samting

- Paia inap kamap.
- Wokim tingting long mekim wanem ol samting sapos paia i kirap.
- Tru tru, paia i laik kamap. Was gut long paia long hap yu stap long en.




MODERATE Wokim plen na redi


- Ol i kontrolim klostu olgeta paia i stap.
- Mas wok long kisim infomesen long ol paia i go olsem wanem nau na redi i stap long mekim eksen sapos paia i laik kam.




Taim buspaia i kirap long hap bilong yu, yu yet i mas luksave, kisim infomesen (toksave na yu yet mas tingim gut na wokim plen bilong yu), wokim ol disisen na kirap mekim ol samting.

Australian Warnings sistem bilong olgeta hevi i gat tripela level:

 **Advice** – samting nogut i no inap kamap, tasol yu mas wok long kisim infomesen long ol samting i wok long kamap nau, nogut sampela senis i kamap.

 **Watch and Act** – ol samting i wok long senis na sampela hevi inap kamap. Mekim samting nau na bai bagarap i no ken painim yu na famili bilong yu.

 **Emergency Warning** – yu no stap seif na i mas mekim samting bilong seivim laip bilong yu nau.

Ritim moa long ol tok lukaut hia
australianwarningsystem.com.au



Guria



Graun Guria i no save kamap tumas, tasol em bai kamap.

Bihainim ol tok bilong ol imejensi sevis sapos graun guria i kamap long hap bilong yu.

Taim graun guria i kamap



DAUNIM



KARAMAP



HOLIM

Sapos yu stap klostu long nambis, yu bai harim tok lukaut bilong tsunami (bigpela weiv i kam. Sapos yu stap long nambis o klostu long en, lusim nambis hariap tru na stap longwe long en o go long ples antap tru, olsem long ol bigpela hap o antap long wanpela strongpela bilding haus. **Stap longwe tru long nambis.**

Hatpela san



Hatpela (hot pela) san em i makim olsem tempirisa em i antap nogut tru long taim bilong san, na dispela inap mekim nogut long ol komiuniti bilong ol man.

Hatpela san em i kilim planti man na ol i dai, em i winim ol arapela hevi bilong weda. Taim bilong hatpela san:

Kisim gut kaikai na wara

- dringim planti wara long olgeta taim long de na bai nek bilong yu i no ken drai olgeta
- Yu no ken kisim wara i gat alkohol o olsem bia, kafein o olsem kofi na planti suga stret
- kaikai liklik, tasol kaikai planti taim na kaikai liklik tasol klostu klostu





I stap kol

- bodi bilong yu i no ken hot tumas
- painim ples weya san ino pasim na aburusim hatpela spes we win i no go long en
- werim ol koten klos na i no hevi, i no save paspas long bodi
- no ken i stap aninit long san kirap long 10am i go long 3pm
- no ken hariap long mekim samting, isi tasol - no ken mekim ol wok emi hevi tumas

Ol imejensi kontek

Imejensi: Polis, Paia, Ambulens.....000 (Tripela Zero)

Helpim long taim bilong SES stom na taitwara..132 500

Infomesen bilong trefik na travel..... .131 940

Sevis bilong tanim tok.....131 450

(TIS NATIONAL)

Strepela wei bilong ranawe

Sapos weda i go nogut, mi mas go we?

Bihainim ol tok i kam long ol imejensi sevis. Sapos em inap, lusim hap we samting nogut bai kamap long en na yu mas go longwe long narapela hap.

Yu mas toksave long narapela man oslem yu bai go long wanem hap.

Pasim tok wantaim ol poroman bilong raun wantaim long yupela bai bung gen long wanem hap na hau yupela bai kontekim narapela narapela long taim bilong imejensi.



Ples bilong ranawe i kam i stap sotpela taim Ples hait

Sapos em i seif long mekim olsem



Ranawe long hap i seif we ol famili o poro i stap long en



Ples bilong refuji o evakuesen senta

Sapos em i stap redi long kisim ol ranawe man



No ken ting olsem dispela samting i no inap kam long yu...



Tunim harim



**Logon go
long en**



Standed **Imejensi**
Wonin sain



**Putim gut
yau harim
gut toksave**



**Na kirap long mekim
samting**

Taim yu raun go long insait long burnett catchment

Yu mas stretim kar bilong yu gut bihain yu go raun, na sapos taim nogut painim yu redi pinis.

Sekim ol lait, tred bilong ol taia, na pulapim gut tenk bilong fiul. Sapos inap, holim sampela fiul moa bilong pulapim taim fiul i go sot. Pekim imejensi kit bilong yu na putim i go long ples we em i isi long kisim insait long kar.

Pastaim long yu kirap go raun

- Sekim ol weda ripot na Paia Denja Reiting long hap we yu bai raun long en
- Tingting long rekim ol kaikai we yu no nid long kuk
- Pekim sampela moa klos, blanket na ol klos bilong karamapim bodi long ren na putim long kar
- Toksave long sampela man long plen bilong yu long raun na toksave tu sapos yu senisim plen bilong yu.
- Redi long senisim plen bilong yu taim yu mas mekim olsem Redi long senisim plen sapos yu senisim tingting

Long rot

- Tunim i go long ABC Wide Bay long 100.1 FM o 855 AM. Putim Redio mas on olgeta taim
- Olgeta taim, abrusim hap we weda nogut i stap long en. No ken go saitsing lukluk taim weda i ken senis wantu tasol.
- I tambu TRU long draiv i go insait long taitwara. Nogut yu ting orait, tasol wara i dip na ron spit moa. Sampela taim, rot aninit long wara i bagarap i stap.
- Putim gut iyau long ol toksave na lukaut - Bihainim ol tok i kam long Kaunsil, polis o long ol lain husait i save givim ol imejensi sevis sapos ol i pasim ol rot.
- Sapos tru tru yu nidim helpim nau tasol long polis, paia stesen o ambulens, ringim 000.

Tingim!

Sapos taitwara i stap, lus tingting

Tunim long ol tok lukaut

Olgeta man i mas save long hau ol i Tunim, Logon na Putim Gut Yau na Mekim samting.

Tunim

- Harim redio na TV program long hap bilong yu long ol tok lukaut, weda ripot, na toksave bilong lokol komiuniti long seifti
- ABC Wide Bay redio em i stap long 100.1 FM o 855 AM

Logon

- Lukim Regional Council disasta dasbod (disaster.bundaberg.qld.gov.au o emergency.northburnett.qld.gov.au) long:
 - Nupela infomesen long ol imejensi long nau
 - Infomesen long pawa kat na long rot o weda i stap olsem wanem
 - Infomesen long evakuesen senta na long hau ol man i go long en taim em i op
- Lukim Bureau of Meteorology (bom.gov.au) long ol tok lukaut long weda.

Putim gut iyau

- Standad imejensi Woning Signal (SEWS) – Ol bai pairapim sairen olsem biugel taim ol i stat givim strongpela tok lukaut long redio na TV. Putim iyau gut long ol tok bai kamap bihain long SEWS, na kirap mekim samting wantu tasol taim ol i tokim yu long mekim olsem.
- Ol bai salim teks meseji bilong Imejensi Alet long mobail fon bilong yu. Sapos yu kisim teks i kam long Imejensi Alet, bihainim ol tok ol i givim.
- Ol Imejensi Sevis bai yusim ol sairen na laudheila olsem bikmaus bilong givim ol toksave.
- Ol man bilong ol Imejensi sevis bai i go long wan wan haus long hap bilong yu na givim toksave.

Wantu, kirap mekim samting taim ol i tokim yu long mekim

- Yu na ol poroman bilong raun wantaim i mas save long ol tok lukaut ol i givim.
- Sekim ol neiba na ol pren husat i nidim bikpela helpim.
- Go kisim kwik imejensi kit.
- Kirap bihainim Ranawe Plen bilong yu sapos yu mas mekim olsem.

Imejensi kit

Imejensi kit bilong yu i mas i gat ol impoten samting yu bai yusim long taim bilong imejensi, em long taim ol narapela man i no inap helpim yu inap tripela de o moa.

Na tu, i mas i gat ol samting yu bai nidim bilong redim kaikai long taim i no gat pawa. Putim kit bilong yu long kontena em wara i no inap go insait long en, na em mas i stap long hap yu ken save na ken kisim hariap tru.

Ol marasin na ol samting bilong lukautim bodi bilong yu yet

- Fes Eid Kit
- Ol marasin bilong wanpela wik, ol priskriksen na infomesen bilong kisim marasin
- Ol samting bilong lukautim bodi bilong yu yet, olsem toilet pepa, tutbras, tutpeist, sop, sampu, sanskrin, insek ripelen, haijin aitem, o kain samting olsem. Kisim pastaim olgeta dispela samting long waswas inap tripela de o moa

Ol klos na su

- Senis bilong ol klos bilong sakim san (warm protective cloth) na ol su bilong olgeta man
- Ol strongpela glav bilong holim ol samting i bagarap na bilong lukautim ol han.

Kaikai na wara inap tripela de

- 10 lita wara long wan wan man
- Ol kain kaikai em i no inap bagarap Kisim ol kaikai we em bai no bagarap hariap
- Ken opena, ol samting bilong katim na kukim

Komiunikesen

- Redio em i wok long bateri (wantaim ol ekstra bateri)
- mobail fon em i sasim pinis na potabol saja

Ol impoten pepa

- Orijinol o setifaid kopi bilong draiva laisens, bet na mariji setifiket, paspot, o kasin samting olsem. Gutpela long holim ol ilektrik kopi bilong ol dispela samting long USB, potabol streji divais o onlain streji.

Lait

- Tos/lanten em i wok long bateri (wantaim ol ekstra bateri)



Ranawe plen plen long ranawe

Hap yu ranawe long en

Ples bilong bung gen:

Atres:

Fon: Imeil:

Imejensi kontek askim

Nem:

Atres:

Fon: Imeil:

Kontek infomesen taim yu nidim helpim long imigresen, visa, embasi?

Pastaim long ranawe

- Fuel tenk bilong kar i mas pulap tru
- Sekim long ol poroman bilong raun wantaim
- Makim wanem hap yu bai go long en sapos yu mas lusim hap yu stap long en
- Save long hap yu bai ranawe i go long en na bung gen wantaim ol narapela

Taim bilong ranawe

- Kisim imejensi kit wantaim yu na kopi bilong Ranawe Plen bilong yu
- Kontekim imejensi kontek bilong yu pastaim long yu lusim hap bilong yu na taim yu kam kamap long hap yu makim bilong ranawe i go long en

